

fit ab omni vitæ turpitudine, licentiaque ab-  
 horrere, ac rectè, honestè sanctèq; factis dele-  
 ctari, hanc pietatem quam in sua quenq; vita  
 præstare oportebat, in examinandis aliorum  
 factis præstare magna ex parte volunt. Itaque  
 indagant illi quidem admodum curiosè, qua-  
 lem hic, & ille ducat vitã: quid faciat, quid di-  
 cat: quin etiã fortè quid cogitet: quos amet,  
 quos colat, quos minus: neq; vlla tam parua  
 res est, quin ea satis sit idonea propter quam  
 malè de fratre sentire incipiant.

Quicquid eiusmodi est, vt potuerit tã ma-  
 lum, quàm bonum in finem fieri, id aliter quã  
 deteriore in partem interpretaturi nun-  
 quam sint: minus sæpè videlicet se erraturos  
 rati, si semper quod deterius sit, opinati de  
 altero fuerint. Ac si semel aliquando minus  
 commodam quispiam apud eos in opinio-  
 nem venerit, actum fuerit. Illum enim eo-  
 dem perpetuò habebunt loco, ac exploratum  
 haberent, ad meliorem eũ frugem redire nun-  
 quam posse. Quamprimùm autem ad eorum  
 aures de vicino quid peruenerit, caue putes  
 fore, vt eum conueniant, amantèr moneant,  
 officijq; vt meminerit, hortentur: nihil mi-  
 nus; immò verò cum quouis potius de eo ma-  
 ledico dente egerint, quàm cum illo vel vnum  
 verbum fecerint, in vulgus rem extulerint ci-  
 tius: neq; susurrandi finem facient antè, quàm  
 aliud aliquod argumentũ illis offerat sese ad

*Ingenia ma-  
 lenolorum  
 Hypocrita-  
 rum.*

•